

Skólaráð Naustaskóla

2. fundur ársins 2015 þann 11. febrúar 2015

Mættir:

Skólastjórnendur: Ágúst Jakobsson, Bryndís Björnsdóttir.

Fulltrúar foreldra og grenndarsamfélags: Áshildur Hlín Valtýsdóttir, Vaka Óttarsdóttir og Anna Sjöfn Jónasdóttir.

Fulltrúar starfsmanna: Berglind Bergvinsdóttir, Valdís Jósavinsdóttir og Inga Vala Magnúsdóttir.

Fulltrúi nemenda: Íris Orradóttir

Dagskrá og afgreiðslur:

1. Næsti vetur – stundaskrárramma, fjöldi nemenda og mönnunarþörf.

Farið yfir fyrirsjáanlegar nemendatölur fyrir næsta vetur og er útlit fyrir að nemendur muni í haust verða um 360 samanborið við rúmlega 340 þessa stundina. Gert er ráð fyrir 38 nemendum í 1. bekk en það skýrist betur þegar innritun lýkur á næstu vikum. Fyrstu drög að úthlutun kennslustunda gera ráð fyrir að u.þ.b. ein kennarastaða bætist við hvað kennslumagn varðar. Starfsþróunarsamtöl við starfsmenn eru að hefjast og verður þeim lokið í mars. Að þeim tíma liðnum ætti mönnunarþörf fyrir næsta vetur að liggja fyrir. Til að byrja með er gert ráð fyrir að nýta sama eða mjög svipaðan stundaskrárramma fyrir næsta vetur og þetta skólaár, þ.e. hvað varðar tímasetningar, frímínútur o.s.frv.

2. Skóladagatal 2015-2016.

Farið yfir drög að skóladagatali. Áformuð er námsferð starfsmanna í apríl næsta vetur og því gera nýjustu drög ráð fyrir að þremur starfsdögum sé raðað í kringum sumardaginn fyrsta. Skólasetning 21. ágúst, starfsdagur 2. okt, viðtalsdagur 22. okt, vetrarfrí 23.-26. okt, litlu-jólin 18. des, starfsdagur 4. jan, viðtalsdagur 25. og 26. jan, árs hátíð í mars. Skólaslit eru áætluð 6. júní en áhugi fyrir að reyna að flýta þeim til 3. júní, skólastjóri skoðar leiðir til þess.

3. Önnur mál.

- a. **Mötuneyti.** Fulltrúar foreldra hafa kíkt við í hádeginu til að skoða aðstæður og finnst að mörgu leyti vel að málum staðið. Vilja hins vegar að skoðað sé að afmarka fatahengið meira frá matsal. Einnig að skoðaðir séu vel möguleikar á því að nemendur geti skammtað sér sjálfir og að fullorðnir sitji til borðs með yngri nemendum. Hugmynd um að vigta matarleifar frá hverjum árgangi og koma þannig af stað eins konar keppni um að leifa sem minnstu.. Skoða þarf útfærslur á Egilsstöðum sem virðast hafa gefist vel. Skólastjórnendur taka þetta til skoðunar.
- b. **Foreldraviðtöl.** Fulltrúar foreldra lýstu yfir ánægju með viðtöl og sérstaklega hvað sumir í kennarahópnum hafa gott lag á að hvetja börn og foreldra til dáða. Því velt upp hvort að hægt sé að fá þessa aðila til leiðbeiningar um hvatningu..
- c. **Rútmál.** Fulltrúi nemenda beindi því til skólastjórnenda að ræða við nýjan rútbílstjóra sem þykir fram úr hófi smámunasamur.

Næsti fundur áformaður miðvikudaginn 4. mars kl. 15:00 en verður boðaður með dagskrá með viku fyrirvara.

Ágúst Jakobsson ritaði fundargerð